

民國期刊資料分類彙編

名人年譜



國家圖書館出版社

民國期刊資料分類彙編

名人年譜

第五冊



國家圖書館出版社

第五冊目錄

蔣劍人(敦復)先生年譜	滕固	《國學季刊》一九三五年六月第九卷第二期	二八六七
南屏道人(高友璣)年譜	高誼	《甌風雜誌》一九三五年六月十七—二十二期	二八九五
南唐二主(李璟、李煜)年譜	夏承燾	《詞學季刊》一九三五年七月—一九三六年九月第二卷第四號	
第三卷第一—三號			二九三五
劉繼莊(獻廷)先生年譜初稿	王勤墀	《浙江省立圖書館館刊》一九三五年八月第四卷第四、五期	三〇三三
孫太僕(詒讓)年譜跋	孫廷釗	《浙江省立圖書館館刊》一九三五年八月第四卷第四期	三〇八九
《陽明(王守仁)先生年譜》校記	毛春翔	《浙江省立圖書館館刊》一九三五年十月第四卷第五期	三〇九二
《宋史·陳亮傳》考證及《陳亮年譜》	何格恩	《民族雜誌》一九三五年十一月第三卷十一期	三一〇〇
記正德本《朱子(熹)實記》並說《朱子年譜》的本子	容肇祖	《燕京學報》一九三五年十二月	
第十八期			三一二七
李賀年譜	朱自清	《清華學報》一九三六年一月第十一卷第一期	三一五〇
德清胡拙明(渭)先生年譜	夏定域	《文瀾學報》一九三六年三月第二卷第一期	三一八〇
唐荆川(順之)先生年譜序	唐文治	《學術世界》一九三六年三月第一卷第九期	三二二〇
荆川(順之)先生年譜序	錢振鏗	《學術世界》一九三六年三月第一卷第九期	三二二一
沈括編年事輯	張蔭麟	《清華學報》一九三六年四月第十一卷第二期	三二二三

王雅宜(寵)年譜 翁方綱 《藝文雜誌》一九三六年四月第一卷第一期……………	三二五九
陳子昂年譜 羅庸 《國學季刊》一九三六年五月第五卷第二期……………	三二六五
與夏瞿禪論白石(姜夔)清真年譜 陳思 《詞學季刊》一九三六年六月第三卷第二期……………	三二九八
梅郎中(曾亮)年譜 吳常燾 《國專月刊》一九三六年九月第四卷第一號……………	三三〇一
許文肅公(景澄)年譜 高樹 《國專月刊》一九三六年十一月二十四卷第三、四號……………	三三〇七
許文肅公(景澄)年譜序 唐文治 《國專月刊》一九三六年十二月第四卷第四號……………	三三三四
汪梅村年譜稿 趙宗復 《史學年報》一九三六年十一月第二卷第三期……………	三三三六
跋洪去蕪本《朱子(熹)年譜》 容肇祖 《燕京學報》一九三六年十二月第二十期……………	三三六〇
《跋洪去蕪本朱子(熹)年譜》補記 容肇祖 《燕京學報》一九三六年十二月第二十期……………	三三八九
吳榮光自訂年譜 《南華社刊》一九三七年一月第一卷一期……………	三三九一
《張九齡年譜》補正 何格恩 《嶺南學報》一九三七年三月第六卷第一期……………	三四一一
東坡(蘇軾)行實錄 張尊五 《國專月刊》一九三七年四月、五月第五卷第三、四期……………	三四一三
梁文忠公(鼎芬)年譜稿 一髮 《木齋圖書館季刊》一九三七年五月第二期……………	三四三一
吳漁山(歷)先生年譜 陳垣 《輔仁學誌》一九三七年六月第六卷第一、二期……………	三四四二
萬季野(斯同)先生繫年要錄 王煥鑣 《史地雜誌》一九三七年七月第一卷第二期……………	三四七五
小說家夏二銘(敬渠)年譜 趙景深 《東方雜誌》一九三七年七月第三十四卷第十三號……………	三四八七
鄭子尹(珍)先生年譜 凌惕安 《貴州文獻季刊》一九三八年五月——一九四〇年十二月第一——三期……………	三四九五
《吳漁山(歷)先生年譜》二卷附《墨井集源流考》 陳垣 《圖書季刊》一九三九年三月……………	三五四三

江淹年譜 敬 《圖書季刊》一九三九年六月第一卷第二期……………	三五四五
張江陵(居正)年譜 敬 《圖書季刊》一九三九年六月第一卷第二期……………	三五四五
王船山(夫之)學譜 毓 《圖書季刊》一九三九年六月第一卷第二期……………	三五四六
皮鹿門(日休)年譜 毓 《圖書季刊》一九三九年六月第一卷第二期……………	三五四七
梁任公先生《朱舜水年譜》補正 梁繩禔 《朔風》一九三九年十月第十二期……………	三五四九
《陳龍川(亮)年譜》序 吳其昌 《圖書季刊》一九三九年十二月第一卷第四期……………	三五五四
吳梅村(偉業)年譜 秦佩珩 《燕京學報》一九三九年十二月第二十六期……………	三五五八
陳可園(作霖)先生年譜 張江裁 《國藝》一九四〇年三月——一九四一年四月第一卷第四期——	
第三卷第二期……………	三五六一
《許叔重(慎)年譜》自序 張震澤 《史董》一九四〇年八月第一冊……………	三五七六
文天祥年譜 敬 《圖書季刊》一九四〇年九月第二卷第三期……………	三五八三
鮑照年譜 敬 《圖書季刊》一九四〇年九月第二卷第三期……………	三五八五
莫貞定(與儔)先生年譜 敬 《圖書季刊》一九四〇年九月第二卷第三期……………	三五八六

蔣劍人先生年譜

滕固

先生名敦復字劍人，又字子文，純甫，克父，超存，號江東老劍，又號麗農山人。原名爾鈺，又名金和。太倉州寶山縣人。世居邑城鎮海樓西。（參據嘯古堂文集麗農山人自叙，寶山縣志，上海縣志，俞樾春在堂隨筆及袁康淞逸詩存序。）

蔣氏先世，與常熟蔣廷錫家同族。先生祖一元，字復天，一字丹臺，諸生，博洽工文。秋闈屢薦不得志，而名益盛。早歲即肆力於詩，歷數十年無間；里中能詩者皆出其門。晚歲授經江東，病歸，口吟絕句數章而卒。著有簫香書屋詩稿八卷，刊入王鳴盛所輯寶山十家詩，鳴盛並爲序焉。宋詩測海六十卷，花均軒雜錄二十四卷，俱未刊；又與同邑許炳輯吳淞風雅若干卷。父亨泰，字石渠，一字翹林，能詩工書，十七歲補諸生。事親以孝聞，凡浣濯廁，必躬親之。年未五十卒。著有太乙山房詩集八卷，制藝文六冊，皆未刊。母瞿氏，不容於姑，令大歸。（參據自叙及寶山縣志。）

先生有一姑，適上海俞生，生家貧早卒。姑遺一子，無所依。先生父亨泰携其母子歸，養之。未幾姑卒，亨泰又爲之殯葬焉。（寶山縣志。）

先生有一姊，適一士人。士人頗有所蓄，時周先生乏。先生姊死，士人矢志空門，法名曇隱大師。捨己資築庵於上海北門，曰竹林禪院，爲清修習靜之所。（王韜蘊圃餘談。）

嘉慶十三年戊辰（西紀一八〇八）先生生

先生生年，未見記載。據自叙，先生年二十五上書撫部侯官公（林則徐）。考是年爲道光十二年，以此逆推，先生當生於嘉慶十三年。又王韜自謂少於先生二十歲，（芬陀利室詞遺集王序）。韜生於道光八年，據此推算先生之生年，適符上述。（按韜蘅華館詩錄自序及重訂後序，自記年歲閱歷甚詳。）

是年先生問業師姚瑩（碩甫）舉進士。先生友人湯貽芳（雨生）三十歲，陳希孟（問渠）十歲，姚燮（梅伯）三歲。

嘉慶十四年己巳（一八〇九）先生二歲

嘉慶十五年庚午（一八一〇）先生三歲

是年先生同邑前輩沈學淵（夢塘）舉孝廉。（寶山縣志。）

嘉慶十六年辛未（一八一二）先生四歲

嘉慶十七年壬申（一八一三）先生五歲

是年先生入家塾讀書，目數行下。（文集上撫部侯官公書。）

嘉慶十八年癸酉（一八一四）先生六歲

嘉慶十九年甲戌（一八一五）先生七歲

先生自幼有神童之譽，當六七歲時，塾師攜儿上「墨」，先生獨先登，師問其故，先生曰：白水對黑土，何不工之有塾師奇之。（王紹張補餘談）

嘉慶二十年乙亥（一八一五）先生八歲

嘉慶二十一年丙子（一八一六）先生九歲

是年先生畢十三經，皆庭訓。即學爲時文，願非所好；好左氏春秋傳、司馬遷史記及孫武家言。（參據自叙及上撫部侯官公書）

嘉慶二十二年丁丑（一八一七）先生十歲

嘉慶二十三年戊寅（一八一八）先生十一歲

嘉慶二十四年己卯（一八一九）先生十二歲

嘉慶二十五年庚辰（一八二〇）先生十三歲

按寶山縣志羅谿鎮志皆言先生於是年畢十三經。羅谿鎮志又云試輒冠軍，以微疵註誤。先生之應童子試當始於是時。

是時先生始識宜興周保緒。先生自云：「嘉慶末，余年童稚，始識陽湖周保緒（按係宜興人）於田若谷邑宰署中，蒙以奇童見稱。時習經史帖括文字，間亦作詩，未嘗問津於倚聲之學。」（芬陀利室詞話）按田若谷（鈞）嘉慶七年九月始由鎮洋調署寶山，中間兩次告退，兩次回任，至十七年去

職時先生方五歲耳。其後田官關中廣西，先生皆未履其地。嘉慶二十四及二十五年，任寶山縣令者爲周以勲。（參據寶山縣志田鈞傳及官師表。）先生詞話成於晚年，必係一時誤記。

先生學詩亦係庭訓（文集與崔雨蒼書）。

道光元年辛巳（一八一二）先生十四歲

道光二年壬午（一八一三）先生十五歲

是時先生思爲用世之學，編覽廿二史。凡天人應感之理，古今治亂興衰之勢，皆有以尋其跡而討其原，窺其微而察其變。年十五頭角嶄然，英英欲露矣。（上撫部侯官公書）。

道光三年癸未（一八一三）先生十六歲

先生母瞿氏不容於姑，令大歸；父亨泰亦旋卒。先生自述，一則曰「早孤家日落」，再則曰「幼失怙恃家難屢作」者殆指此。先生於是時避難出遊。

是年先生附便舶過江，至維揚登岸，囊中不名一錢。信步至平山堂，則阮枚叔方議曾國藩大會賓客。先生攝敝衣冠，不通謁直入。聞者拒不納，先生叱之，諛詞之聲繳于內。枚叔遣僮詰之，則云寶山神童蔣某來見。枚叔命之入，乃長揖入座。先生體短貌寢，枚叔視之，以爲十一二歲，遂笑問能詩否？先生援筆成一絕曰：「東風吹我過蕪城，入夢繁華記不清。花外笙歌樓外笛，不知誰是度蘭成。」闔座大奇。於是枚叔招致其家，禮爲上客。凡文酒花月之譚，靡不從遊。即所揮霍者，亦取於枚叔焉。留

韓伯與韓商不合，罷坐擁衣去。（參據自錄）上據前傳，自公書及子韓商別傳。

道光四年甲申（一八二四）先生十七歲

道光五年乙酉（一八二五）先生十八歲

是年先生同邑前輩沈學淵遊閩，留凡八年。學淵在泉州使署，與先生詩筒往還，蓋在是時也。（沈

氏桂留山房詩集）

夏間，陶澍（雲汀）移撫江蘇。

道光六年丙戌（一八二六）先生十九歲

四月，范仕義（廉泉）署任寶山縣知縣事。仕義下車之始，即以興起斯文爲己任，創建學海書院，識拔寒素。見先生所爲文，尤器重之。七月，寶山署中玉蘭二枝盛開，仕義囑邱期卿作圖，集同人會飲，並首唱二律。先生暨邑中諸名士，皆有和章。十月，仕義去職。（參據寶山縣志及玉蕊和暉唱和詩）

道光七年丁亥（一八二七）先生二十歲

是時先生始交邑人朱燾（杏蓀）（芬陀利室詞話）。

道光八年戊子（一八二八）先生二十一歲

先生友王綽生。

道光九年乙丑（一八二九）先生二十二歲

道光十年庚寅（一八三〇）先生二十三歲

是年先生門人陳如升（同叔）生，毛正坦（循齋）始任寶山縣令。

道光十一年辛卯（一八三一）先生二十四歲

是年元和朱綬（酉生）舉孝廉。綬爲吳中七子之一，七子與先生皆有往還，而綬識先生最早，且有知己之感。州試時，綬欲拔先生爲冠軍，某刺史不從，拂衣而去，寄聲道珍重。是時先生始爲詞，喜豪放。有携先生詞賀綬，綬曰：「此君才氣，非我輩所能企及，獨倚聲爲門外漢耳。」先生聞之，絕不填詞者十年。（參據詞話及王燮清續國朝詞綜）

道光十二年壬辰（一八三二）先生二十五歲

是年先生上書兩江總督陶澍條陳東南水利。自道光三年以還，吳中連歲水災，陶澍下車之始，即以全力整頓水利。同年林則徐（少穆）調任江蘇巡撫，見先生所陳水利，稱賞不已，目爲經濟才。時先生已蜚聲東南，但落落無所遇。二三當事語及先生，咸深歎惋。或代劃策，或薦于學使，或欲致之京邸，或延之一席，或餽以兼金，獨林則徐曰：「此子天下奇士，天將老其才，俾異日得成大器。公等能象養之作池中物耶？」先生聞之，深感知己。復上書則徐，以蘇氏自擬，以則徐擬魏公，願將蘇氏所以謝魏公者謝則徐。且曰：「國家承平二百年矣，今上下相蒙，無法不敝，宴安酖毒，情僞日滋，禍

愚之來檇已召不出十年天下多事遺大投職之任公適當之「時先生一科猶未青也」

集上撫部侯官公書及李元度國朝先正事略。

邑前輩沈學淵歸自閩中繪來夢亭話雨圖作詩徵和。（桂留山房詩集。）

道光十三年癸巳（一八三三）先生二十六歲

沈學淵卒，學淵子生甫仲貽請先生追題來夢亭話雨圖。（詩集。）

道光十四年甲午（一八三四）先生二十七歲

姚燮舉孝廉。

道光十五年乙未（一八三五）先生二十八歲

先生始至南匯，肄業惠南書院，當在是時。（道光中。）（參據詞遺集王韜序及南匯縣志。）

道光十六年丙申（一八三六）先生二十九歲

秋間，先生客遊如皋。時范仕義爲如皋令，東招先生，與如皋書院山長吳梅孫孝廉同修縣志。邑人士以陳其年之來如皋亦在丙申，引爲奇事。先生在如皋，與黃嘯谷、范子嘉及蔣卿齋輩往還，暇則弔冒氏水繪園故墟。（參據詩集及詞集。）

道光十七年丁酉（一八三七）先生三十歲

按寶山縣志謂先生客如皋兩載，則是年先生仍滯如皋。

是年邑人陸豫（樹齋）舉拔貢。豫與先生爲總角交，共筆硯者數年，同出邑侯毛正坦門下，後身殉王事。著有東虬草堂詞一卷（詞話）。

道光十八年戊戌（一八三八）先生三十一歲

是年（如舉歸後之明年），先生遊維揚，客阮元第，蓋元方予告回籍也。復遊江淮，便道訪仕義，餽贈甚豐。及歸，則于中途揮霍盡矣。（羅溪鎮志）。

先生受知師寶山縣令毛正坦去職。正坦先後任縣令八載，修治海塘河流，政績卓著。（寶山縣志）。

道光十九年己亥（一八三九）先生三十二歲

是年三月，劉光斗（錯山）任寶山縣知縣事。六月二日，兩江總督陶澍薨於位。

林則徐在粵，收徵英吉利煙船鴉片，盡焚之。則徐思及先生之言，貽書招往，先生病不能行。（參據

寶山縣志，國朝先正事畧及文集上撫部侯官公書跋記）。

道光二十年庚子（一八四〇）先生三十三歲

是年先生始削髮爲僧，先生自云：「庚子東南海警，余上書言兵事，忤當事者意。中蜚語，禍幾不測，逃而免冠僧冠，服僧服。」（文集陳希孟小傳）。然先生之爲僧，當有他故。王韜云：「劉光斗爲寶山邑令，當縣試邑童時，出題稍誤，蔣率諸童聞於堂。劉令銜之，覆試日，借他故扑之。蔣作文痛斥其短，榜于通衢，劉令聞之益怒。復以別事羅織，禍且不測，乃削髮爲僧。」（瓊隔餘談）。同邑袁復懷懷蔣劍人

詩夾注云：「劍人爲某令所辱，幾致受杖，以懷中得余詩稿而免。」（淞逸詩存）按某令即劉光斗，光斗旋於是年去職。（寶山縣志）

先生爲僧，慕鐵舟之爲人，自號鐵岸；又以寄塵能詩，謂欲超出其上，更號妙塵。始避居於月浦之淨信講寺及羅谿之善福禪院，羅谿與月浦皆隸寶山，相距僅十八里，先生時時往還兩地。淨信寺僧瘦石，有詩名，月浦滕鳳鳴（梧岡）羅谿陳希孟（問渠），皆醇篤亢爽君子，隱於草野，時與先生詩酒往還。（參據張爾岐談月浦鎮志，羅谿鎮志）

道光二十一年辛丑（一八四一）先生三十四歲

是年春西事方亟，先生至滬上，適劉光斗移署上海縣事，偶公出，遇先生於道。光斗謂此必爲西人作內應來者，因下令閉城，大索先生；先生僅以智免。越數日，上海火藥局失火，焚，光斗又謂此必蔣某所爲，再事捕索。先生既不安於滬，復不克返里，乃走南匯，駐錫於荷花塢梔子庵。荷花塢在邑城西南隅，其上有香光樓，爲董其昌讀書處，擅花木亭榭之勝。先生所居室曰不住色身處，之水流雲在軒。

先生雖爲僧，頗不欲以戒律自縛。廢填詞十餘年，至是復作。嘗一夕和山中白雲詞三十餘首，成一冊曰「山中和白雲」，會稽王潤（四篁）錄之，示戈載（順卿）求指疵，載詫曰：「此詞家射雕手，尙何疵可指耶？」是稿未刻，曾藏羅谿陳如升（同叔，按即希孟子）家。拈花詞（又名懺華詞）即成於是年七

月，自題詩云：「綠酒獻花詩獻佛，青樓聽雨寺聽鐘。」可以想見其跌宕蘊藉矣。

是年元和顧文彬（子山）舉進士。文彬與先生爲詞友，甚推重先生，嘗評先生詞曰：「淒厲動魂，芬芳竟體，得力在白雲白石間。」先生亦曾題其鴛紅館填詞圖。又先生所撰陳葆生新雨論詞圖記，（駢文）乃代文彬作也。（以上參據王韜鸞牖餘談，南匯縣志，章鉅跋姚燮芬陀利室詞序手稿，嘯古堂詩集，芬陀利室詞集，芬陀利室詞話及嘯古堂駢體文集。）

是年同邑古文家毛嶽生（生甫）卒，年五十一。嶽生與先生通家同輩，然生前未一見。至是先生爲刪定其遺書。（參據詩集及姚椿晚學齋文集。）

道光二十二年壬寅（一八四二）先生三十五歲

五月，英夷入寇吳淞，提督軍門陳化成死難。先生嘗謁化成論兵事，深以上下苞苴，文武塗飾，訓練無素，心力不一爲憂。化成嘆曰：我武人，脫不幸，知有死耳。至是先生作潁川將軍行哭之（詩集）。十月，避夷難，道出滬城。其行脚滯留江陰松江，蓋在斯時。先生在松江寓呂城修微庵，與善隱庵詩僧儀純，郡人雷葆廉（約軒），張鴻卓（筱峯）唱和往還。（參據詩集，詞集，詞話，王韜瀛壖雜志及華亭縣志。）

是年台灣道姚瑩坐吏務，被誣逮入獄，凡十有二日而事白。（先正事畧。）

道光二十三年癸卯（一八四三）先生三十六歲

始舉意內言外及有厚入無間之說，繩詞成順，恍然曰：填詞三十年，今始得正法眼藏也。成順著曙采樓詞，先生爲之序。（詞話）

十一月張芾（小浦）調充江蘇學政。時人上海縣令劉光斗已去職，先生以友人之勸，始返初服，更名敦復，應試於崑山。芾得先生卷，拔爲第一，且嘆曰：此江南才子也。於是先生名噪一時。方芾之督學江蘇也，祁雋藻、穆彰阿餞之行，並曰：江左蔣生未易才也。君能收之藥籠中，則善矣。至是芾以書報二人，彰阿復函欲吹枯噓生，使作玉堂中人物。雋藻聞之嘆曰：觀此子自命，豈榮以祿耶！（參據自叙，寶山縣志及王韜鬘鬚餘談）

先生既補諸生，乃贅壻于羅溪支氏，其婦名機，號靈石山人，亦能詩。自述云：「余憂患餘生，中年得婦靈石山人，小住羅敷谿上，拔釵問字，臨鏡拈毫，雖數米量鹽而吟事不廢。」然是時先生豪氣已減，貧困益甚。（詩集，詞話及羅谿鎮志）

道光二十四年甲辰（一八四四）先生三十七歲

先生既有家累，乃思仕宦。是年秋赴白門應鄉試，其婦以詩贈別，有「瘦綠垂楊柳，絲絲又送行，」「人間重科第，夫婿最才名」之句。是科先生試而未售。先生婦又有句云：「簾陰月浸三分白，牆角紅疎一穗花。」乃繪紙閣雙聲圖，一時題者皆知名士。（自叙及詞話）

先生之在白門也，湯貽芬（兩生）聞之，介范仕義招往，一見傾心。留至冬間，貽芬出孤筮圖請題，先生爲作長歌。孤筮圖者，貽芬追念其亡友周保緒而作也。先是貽芬與保緒友善，作雙筮圖以誌快。保緒沒，貽芬乃作孤筮圖以誌痛。（詩集、詞話及詞集）

同時與長洲孫麟趾（月坡）相識。時麟趾客居白下，出秋露繡鴛二集相質，先生以玉田許之，又成拜玉詞一集，與先生唱和之作，皆在是卷。（詞話）

是年應寶時（敏齋）舉孝廉。

道光二十五年乙巳（一八四五）先生三十八歲

是時（甲辰乙巳間）王韜應試崑山，聞先生之名而傾慕之。（詩集前四卷王序）

道光二十六年丙午（一八四六）先生三十九歲

秋間，先生赴白門再應鄉試。中丞張芾謂先生與嘉定張東墅，必售無疑；蓋二人皆芾所識拔也。及榜發，先生不與而東墅報捷。（詞話）

先生在白門與秦耀曾（雪舫）、孫麟趾、張鴻卓、周綸渙（香初）、殷慈祐（峴雲）、暨雷葆廉作隨園雅集，邀湯貽芬，貽芬因病未往。（湯氏琴隱園詞集卷七）

道光二十七年丁未（一八四七）先生四十歲

是年魏源所撰海國圖志刊版行世。